

犯罪存留養親

律例根原卷之六

臣部謹

奏爲酌議章程以昭慎重事本年五月十三日

欽奉

上諭朕思律內有承祀留養兩條原係法外施仁
必須核其情罪甚輕始可量加末減於施恩之
中仍不失懲惡之意方足以昭平允若不論罪
案輕重祇因家無次丁概准承祀留養則兇惡
之徒稔知律有明條自恃身係單丁有犯不死

竟至逞兇肆惡是承祀畱養非以施仁適以長
奸轉似誘人犯法豈國家矜慎用刑之道蓋去
律務在持平生者固當加之矜恤死者尤不可
令其含冤倘情真罪當必爲寬宥如世俗鄙論
所云救生不救死之說以爲積陰功試思死者
含痛莫伸損傷陰德孰大乎是嗣後問刑衙門
總當詳慎折衷勿存從寬從嚴之見遇有關承
祀畱養者尤當核其所犯情罪果有可原再查
明實在別無次丁或有子媳而尙未成丁與定

例相符量爲定擬庶幾無枉無縱刑協於中共
襄明允之治等因欽此仰見我

皇上明罰勅法於矜孤恤寡之中仍寓禁暴戢兇
之意

聖訓煌煌實爲仁至義盡臣等伏查死罪人犯存
畱養親原係

聖朝法外之仁乾隆十六年定例鬪殺案內理直
傷輕及戲殺誤殺等案如係親老丁單俱
准其隨本聲請畱養三十一年經大學士

九卿會議御史周於禮條奏僅准將戲殺誤殺之案於本內聲請畱養其鬪殺之案無論情節輕重概俟秋審時取結報部會核進呈纂入例冊遵行在案至嘉慶四年臣部議覆江蘇巡撫費瀉題盛大推跌計載隴致傷身死案內議請酌復舊章將戲殺誤殺鬪殺情輕應入緩決可矜者以及擅殺罪人並無關人命應擬死罪人犯與僅止語言調戲致本婦羞忿自盡之案如

係親老丁單孀婦獨子一體隨本聲請准其畱養奏准通行並經纂入例冊邇年以來俱係遵照辦理惟是條例一成不變案情百出不窮卽鬪殺之案情節亦屬輕重不一凡有一線可原者均可入於緩決若定案時俱准其隨本聲請畱養既恐因一事寬嚴之互異致各省輕重之不齊且此等鬪毆殺人之犯好勇鬪狠本與戲殺悞殺情近過失者不同而無關人命之案如

搶竊丟包用藥迷拐畧賣子女及語言調戲致本婦羞忿自盡等類秋審時尙有應入情實者誠恐外省誤會例意辦理參差若逐案分別准駁殊覺事涉紛繁如槩准其隨案畱養在無知愚民不知畱養爲格外仁施或轉恃身係單丁竟至以身試法洵如

聖諭非以施仁適以長奸實非明刑弼教之道
臣等悉心再加詳議凡死罪人犯得以隨本

聲請畱養者原以所犯情節較輕本屬在可矜憫之列如必俟秋審時核准在本犯監禁逾時罪所應得而其老病之親桑榆暮景誠恐伊子未出囹圄而其親已不及待是以隨本聲請俾令早爲侍養實爲推廣

皇仁起見至於鬪毆殺人之犯旣已好鬪忘親自當令其居幽悔罪卽爲拘繫逾時應侍之父母恐不及待查自定案以至秋讞遠者

不過經年近者止於數月並非長羈久繫
况死者之父母既已永斷奉養而生者之
父母不過暫缺歲時揆之情理亦所當然
至罪犯應死無關人命及語言調戲致本
婦羞忿自盡各案有應實應緩之分易啟
畸重畸輕之弊尤不應准其隨本聲請畱
養應請嗣後親老丁單畱養之案除實係
戲殺誤殺擅殺以及鬪殺之案或死由自
跌自溺毫無鬪狠情形並救親情切傷止

一二處均係秋審時應入可矜者俱准其
隨本聲請畱養外其餘概不准隨案聲請
俱令該督撫於定案時止將應侍緣由於
本內聲敘不必分別應准不應准字樣統
俟秋審時取結報部臣部會同九卿核擬
另冊進

呈如此明立章程庶愚民不至有所恃以玩法
而辦理可歸畫一立法亦爲協中矣如蒙

俞允臣部通行直省各督撫將軍府尹一體遵照

仍於例冊內更正通行。謹將修改例條開

單恭呈

御覽。謹

奏請

旨。嘉慶六年六月二十六日奏。本日奉

旨依議欽此。

修改條例

。一戲殺誤殺擅殺鬪殺情輕及救親情切傷止
一二處各犯核其情節秋審應入可矜之案

如有祖父母父母老疾應侍及孀婦獨子伊
母守節已逾二十年者該督撫查取各結聲
明其題法司隨案核覆聲請畱養其餘各案
應俟秋審時分別情實緩決者該督撫於定
案時止將應侍緣由聲明不必分別應准不
應准字樣統俟秋審時取結報部刑部會同
九卿核定入於另冊進

呈恭候

欽定至夫毆妻致死並無故殺別情應行畱養承祀

之案亦照鬪殺例分別情罪輕重辦理

朝審案件一體遵行

。一凡戲殺誤殺擅殺鬪殺情輕及救親情切傷止一二處各犯如定案時犯親年歲不符原題內未經聲明應侍秋審後核其祖父母父母現已老疾孀婦守節年分均已符合或成招時家有次丁嗣經身故及被殺之家先有父母嗣已物故與畱養之例相符由各督撫查明已入秋審緩決可矜者隨時隨案具題

刑部核明題覆准其畱養其未入秋審各案應擬可矜者亦准其隨時查辦應緩決者照例俟秋審時取結報部辦理

原例

一凡獨子畱養之案如該犯本有兄弟併姪出繼可以歸宗者及本犯身爲人後所後之家可以另繼者槩不得以畱養聲請

臣等謹按此係乾隆三十二年定例查出繼可以歸宗者自應不准聲請畱養若該

犯之兄弟及姪所後之家別無可繼之人
卽屬不可歸宗與該犯所後之家別無可
繼之人事同一律仍應准其聲請畱養於
例內增纂明晰以便引用謹將修改例文
開列於後

修改

。一凡獨子畱養之案如該犯本有兄弟并姪出
繼可以歸宗者及本犯身爲人後所後之家
可以另繼者槩不得以畱養聲請若該犯之

兄弟與姪出繼所後之家無可另繼之人不
可歸宗及本犯所後之家無可另繼者仍准
其聲請畱養

原例

一殺人之犯有奏請存畱養親者查明被殺之
人有無父母是否獨子於本內聲明如被殺
之人亦係獨子親老無人奉侍則殺人之犯
不准畱養

一擅殺罪人之案與鬪毆致斃平人者有間如

有親老丁單應行留養者該督撫照例取結送部核辦毋庸查被殺之人有無父母是否獨子

臣等謹按前一條係雍正二年定例後一條係乾隆五十四年定例應修併一條再查各省辦理留養之案如被殺之人係無名男子及無可關查者仍准其聲請留養應增纂明晰以便引用謹將修併例文開列於後

修併

。一殺人之犯有奏請存留養親者查明被殺之人有無父母是否獨子於本內聲明如被殺之人亦係獨子親老無人奉侍則殺人之犯不准畱養若被殺之人無姓名籍貫可以關查者仍准其聲請畱養至擅殺罪人之案與毆斃平人不同如有親老應侍照例聲請無庸查被殺之家有無父母是否獨子

原例

一凡旗人犯斬絞外遣等罪例合畱養者照民

人一體畱養

臣等謹按此條係乾隆三年定例查畱養承祀事同一例應增入承祀一層以昭賅備謹將修改例文開列於後

修改

。一凡旗人犯斬絞外遣等罪例合畱養承祀者照民人一體畱養承祀

原例

一戲殺誤殺之案有親老丁單及孀婦獨子伊母守節已逾二十年者該督撫查明取結申明具題法司隨案核覆聲請畱養其鬪殺之案審無謀故別情如有祖父母父母老疾應侍及其母守節已逾二十年而又年逾五十者無論理直傷輕或實係理曲或金刃重傷或雖非金刃而連毆多傷致死者該督撫於定案時止將應侍緣由聲明不必分別應准不應准字樣統俟秋審時查明該犯父母尙

在次丁尚未成立者取結報部刑部會同九卿核覆入於另冊進

呈恭候

欽定

朝審案件一體遵行

一夫毆妻致死並無故殺別情者果係父母已故家無承祀之人承審官據實查明取具鄰保族長甘結該督撫於定案時止將應行承祀之處於疏內聲明統俟秋審時取結報部

刑部會同九卿核擬另冊進

呈恭候

欽定如准其承祀將該犯枷號兩個月責四十板存

畱承祀

臣等謹按嘉慶四年三月臣部議覆江蘇巡撫費淳題盛大推跌許載隴身死聲明畱養案內奏稱乾隆十六年舊例凡鬪毆理直傷輕及戲殺誤殺等案俱准其畱養惟情重各犯俟秋審時再行核辦是鬪殺

情輕之案本得隨案聲請畱養至三十一年定例僅准將戲殺誤殺之案於本內聲請其鬪殺之案無論情節輕重概俟秋審時核辦原爲慎重刑章起見惟以情節本輕應入緩決可矜之案必俟秋審時核准在本犯監禁逾時罪所應得而其老病之親桑榆暮景舉目無親情殊可憫恐其子未出囹圄而其親已填溝壑應請嗣後除有關倫理及忘親不孝並被殺之家亦係

獨子有應侍之親者仍照舊例不准畱養外其鬪殺情輕之案以及擅殺罪人並無關人命應擬死罪人犯按其情節應入緩決可矜者如係親老丁單孀婦獨子仍照乾隆十六年定例於定案時隨本聲請准其畱養毋庸候至秋審時始行核辦其有介在實緩之間者本內止聲明應侍緣由俟秋審時再行取結報部刑部會同九卿彙核另冊進

呈恭候

欽定至夫毆妻致死應行承祀之案亦照鬪殺例分別情罪輕重辦理等因具奏奉

旨依議欽此。欽遵在案。此二條舊例業已不用。應行修改。又查嘉慶二年十一月河南巡撫景安審題孫殿英語言調戲孫吳氏羞忿自盡聲明毋庸畱養案內經臣部改議准其畱養並請嗣後此等僅止語言調戲並無手足勾引致本婦羞忿自盡之案如係

親老丁單孀婦獨子例應畱養者令各督撫查明取結隨本聲請畱養題准亦在案應增輯遵行再查孀婦獨子一項戲殺誤殺例內伊母守節已逾二十年者卽准畱養惟鬪殺之案守節已逾二十年而又年逾五十者始准聲請亦未平允應將鬪殺之案年逾五十句節刪以歸畫一謹將修改例文開列於後

修改

一戲殺誤殺擅殺鬪殺情輕及無關人命應擬死罪人犯核其情節秋審應入緩決可矜者及僅止語言調戲並無手足勾引致本婦羞忿自盡之案如有祖父母父母老疾應侍及孀婦獨子伊母守節已逾二十年者該督撫查取各結聲明具題法司隨案核覆聲請留養其鬪殺案內情節介在實緩之間者該督撫於定案時將應侍緣由聲明俟秋審時該督撫再行查明取結報部刑部會同九卿核

定入於另冊進

呈恭候

欽定至夫毆妻致死並無故殺別情應行承祀之案亦照鬪殺例分別情罪輕重辦理

朝審案件一體遵行

原例

一凡鬪殺及戲誤殺人之犯奉

旨准其存留養親者將該犯枷號兩個月責四十板仍令該地方官酌量該犯情由輕重以傷至

數處及金刃致死者爲重傷以傷非金刃又止一二處並戲殺誤殺爲輕傷如係有力之家情重者追銀五十兩情輕者追銀三十兩如果貧難無力之人情重者追銀二十兩情輕者追銀十兩給與死者家屬養贍該督撫先將該犯情重情輕有力無力之處於應侍疎內一併聲明倘有假捏等弊除本犯仍照原擬外查報之地方官及捏結之鄰保族長人等俱照捏報軍流畱養例分別議處治罪

一夫毆妻致死並無故殺別情原題時親老丁單聲請畱養之犯遇有父母先存後故與承祀之例相符者亦俟秋審時確查取結另行報部九卿一體核擬具題倘有捏稱家無承祀之人希圖脫罪者將本犯照律治罪承審取結各官及鄰保人等照例分別議處治罪一凡問擬死罪人犯因親老丁單照例畱養發落之後如有並不安分守法別生事端無論輕重罪名卽照現犯之罪按律定擬不准復

請留養

臣等謹按首條留養人犯分別情由輕重量追銀兩給死者家屬養贍係雍正二年定例次條承祀人犯原題聲明留養遇有父母先存後故與承祀之例相符者俟秋審時確查另行報部刑部會同九卿核擬具題係乾隆三十三年定例末一條發落之後別生事端卽照現犯之罪問擬不准復請留養係乾隆二十一年定例應修併

一條以便引用再查例准留養之案俱係情輕若情節較重秋審應入情實者概不准其留養又殺人之犯援

赦免罪

臣

部於嘉慶元年奏明追給屍屬銀二十

兩留養人犯應追銀兩自可比照俱以二十兩爲斷前一條原例內分別情重情輕有力無力及五十兩三十兩二十兩一十兩之處應行刪改謹將修併例文開列於後

修併

。一凡鬪殺等案及毆妻致死之犯奉

旨准其留養承祀者將該犯枷號兩個月責四十板
鬪殺等案追銀二十兩給死者家屬養贍至
毆妻致死原題時親老丁單聲請留養遇有
父母先存後故與承祀之例相符者各督撫
於秋審時查明取結另行報部九卿一體核
擬具題倘有假捏等弊除本犯仍照原擬不
准留養承祀外查報之地方官及捏結之鄰

保族長等俱照捏報軍流留養例分別議處
治罪若留養承祀之後如有不安分守法別
生事端無論罪名輕重卽照現犯之罪按律
定擬不准復行聲請

原例

一凡部內題結軍流徒犯及免死流犯未經發
配以前告稱祖父母父母老疾應侍及其母
係屬孀婦守節已逾二十年家無以次成丁
者如屬大宛二縣民人該縣查明府尹確察

報部如屬五城民人兵馬司掌印指揮查明
巡城御史確察報部如屬外省民人州縣官
查明督撫確察報部軍流徒犯照數決杖徒
犯枷號一個月軍流枷號四十日免死流犯
枷號兩個月俱准存留養親其各省人犯該
督撫照此確查辦理

一軍流徒犯並非獨子地方官知情捏報以故
出論如有受賄情弊以枉法論失察者交部
議處其鄰保族長人等有假捏出結者照證

佐不言實情減本犯罪二等律治罪受財者
以枉法從重論若地方官查報後復將假捏
情弊自行查明或上司復飭查出及鄰保人
等自行道送者除本犯仍行發配外官員及
鄰保人等俱免議其在外人犯咨解到部之
後始告留養者不准查辦至定案之初不遵
例取具有無祖父母父母兄弟子孫及年歲
若干確供者承審之員照軍流等犯未經審
出實情例議處

臣等謹按前條部內題結軍流徒犯例應
留養者地方官分別查辦各省督撫照此
辦理並後條在外人犯咨解到部始告留
養者不准查辦均係康熙年間舊例應將
在外人犯咨解到部始告留養之處併入
前條惟查在外人犯咨解到部始告留養
者如果親老丁單屬實其咎在地方官定
案時未經詳細訊明愚民何知定例因其
到案時未經供明卽擬不准似未允協然

遽准發回查辦又易開刁民捏端規避之
漸應請嗣後在外人犯咨解到部之後始
告留養者取具該犯確供一面解配一面
行查原籍督撫又人犯甫經到配告稱留
養者該配所一面收管一面行查如果例
應留養將該犯解籍照例發落准其留養
未經審明之員照軍流等犯未經審出實
情例議處原例應行修改謹將修改例文
二條開列於後

修改

。一凡部內題結軍流徒犯及免死流犯未經發配以前告稱祖父母父母老疾應侍及其母係屬孀婦守節以逾二十年家無以次成丁者如屬大宛二縣民人該縣查明府尹確察報部如屬五城民人兵馬司掌印指揮查明巡城御史確察報部如屬外省民人州縣官查明督撫確察報部軍流徒犯照數決杖徒犯枷號一個月軍流枷號四十日免死流犯

枷號兩個月俱准存留養親其各省人犯該督撫照此確查辦理若在外人犯咨解到部之後始告留養者取具該犯確供一面解配一面行查原籍督撫及人犯甫經到配告稱留養者該配所一面收管一面行查如果例應留養取結報部將該犯解籍留養原審官照軍流等犯未經審出實情例議處

。一軍流徒犯並非獨子地方官知情捏報以故出論如有受賄情弊以枉法論失察者交部

議處其鄰保族長人等有假捏出結者照證佐不言實情減本犯罪二等律治罪受財者以枉法從重論若地方官查報後復將假捏情弊自行查明或上司復飭查出及鄰保人等自行首送者除本犯仍行發配外官員及鄰保人等俱免議至定案之初不遵例取具有無祖父母父母兄弟子孫及年歲若干確供者承審之員照軍流等犯未經審出實情例議處

原例

一凡曾經忤逆犯案並素習匪類爲父母所擯逐及在他省獲罪審係遊蕩他鄉遠離父母者俱屬忘親不孝之人槩不准畱養若係官役奉差者客商貿易在外確有實據者及兩省地界毗連相距在數十里以內者該督撫於定案時察核明確按其情罪輕重照例將應侍緣由於題咨內聲敘

臣等謹按此條忤逆犯罪及忘親不孝不

准留養係乾隆十七年定例又嘉慶元年

十一月欽奉

上諭刑部具題本內所開忤逆伊祖父母父母擬遣之語忤逆之子孫豈可留之於世措詞殊未妥協此等人犯止應摘敘違犯觸犯字樣不得仍前開寫欽此欽遵在案此條忤逆二字應改觸犯謹將修改例文開於列後

修改

。一凡曾經觸犯父母犯案並素習匪類爲父母

所擯逐及在他省獲罪審係遊蕩他鄉遠離父母者俱屬忘親不孝之人槩不准留養若係官役奉差者客商貿易在外寄資養親確有實據者及兩省地界毗連相距在數十里以內者該督撫於定案時察核相確按其情罪輕重照例將應侍緣由於題咨內聲敘

原例

一軍流徒犯內有犯姦強盜積匪滑賊誘拐及有關倫理並兇徒擾害地方者不准聲請留

養

一軍流徒犯內如搶奪竊盜及三犯竊盜並造賣販賣賭具等犯果有祖父母父母老疾應侍與例相符准其畱養一次照例折枷分別刺字詳記檔案若畱養之後復犯軍流徒等罪概不准再行畱養

臣等謹按前條姦盜及有關倫理並兇徒擾害不准畱養係乾隆八年定例積匪滑賊不准畱養係乾隆十三年定例誘拐不

准畱養係乾隆二十一年定例後條搶奪竊盜及三犯竊盜准其畱養一次係乾隆十三年定例造販賭具等犯准其畱養一次係乾隆十五年定例嗣於嘉慶三年八月河南巡撫倭什布審題黃文甫行竊逾貫案內經臣部奏明行竊逾貫減等發遣係由新疆改發內地雖親老丁單向准畱養但應發新疆及由新疆改發內地各犯情節輕重不一且畱養一次原係

國家矜恤孤獨特施法外之仁似應量爲推廣
請將例文內強盜窩主造意不行情節較
重者二十五條槩不准聲請留養其搶竊
滿貫擬絞緩決減等等項情節較輕者二
十二條准其開養一次如不知悛改復行
犯罪仍不准留養庶於矜恤之中仍寓懲
創之意另繕清單具題奉

旨依議欽此欽遵在案應於原例分別應准不應
准修改兩條以便引用查原例誘拐之犯

因其犯姦故不准留養嘉慶三年原奏既
將語言調戲及強行姦姦餘犯俱准留養
則知情誘拐之犯情節更輕應改准其留
養又原奏清單准其留養條款內有行竊
軍犯在配復行竊者一條查辦理留養以
未發配之前爲斷行竊軍犯已經在配復
行犯竊如准其留養而在配安靜守法之
軍流人犯反不得留養殊未平允此條應
改爲不准又准其留養條款內搶奪金刃

傷人及折傷下手爲從一項與搶奪傷非金刃者不同又積匪猶賊及窩留者一項
歷次

恩赦俱奏明不准援免又回民犯竊結夥三人以上執持繩鞭器械一項與尋常竊賊不同又開棺見屍二次爲從一項怙惡不悛又引誘包攬偷渡過臺招集男婦至三十人以上上一項包攬偷渡引誘多人以上數項人犯情節較重俱應改爲不准留養又准

其留養條款內旗人逃走在一月以內自行投首及拿獲一條並不准留養條款內旗人犯罪發遣

赦回已挑差使又生事故一條於嘉慶四年五月

臣部具奏酌復旗逃舊例摺內聲明旗人犯逃走初次二次被獲分別鞭責枷號逃走三次被獲發黑龍江當差至犯罪發遣
遇

赦釋回之旗人卽准其挑補步甲錢糧若挑補錢

糧之後不改前愆任意滋事者銷除旗檔
發烟瘴地方管束其發遣新疆之例奏准
刪除又不准畱養條款內洋盜案內被脇
服役一條臣部以被脇爲盜服役例係被
難良民現在疊奉

恩旨凡川楚教匪內有被脇從賊者該領兵大臣
剿撫兼施予以自新之路此等被盜逼脇
難民似應推廣

皇仁准其投首已於強盜門內酌改自行投首者

免罪若被掣獲者杖一百徒三年又准其
畱養條款內押解新疆遣犯脫逃限滿無
獲爲首情重一條臣部以疎脫斬絞重犯
之解役限滿無獲減逃犯本罪一等擬流
而疎脫新疆遣犯限滿無獲將爲首解役
改發新疆爲奴是疎脫新疆遣犯擬罪反
重於疎脫斬絞人犯殊未平允亦於捕亡
門內酌減本犯一等均纂輯爲例不在發
遣新疆之列自應一併刪除准其畱養以

修改

免歧誤謹將修改例文二條開列於後

。一遣犯內強盜窩主造意不行又不分贓者旗
下正身犯積匪者拿獲逃人不將實在窩留
之人指出再行妄扳者發遣雲貴兩廣烟瘴
偷創人參人犯在配脫逃者

盛京旗下家奴爲匪逃走至二次者派往各省駐
防滿洲兵丁臨行及中途脫逃者用藥迷人
甫經學習卽行敗露者用藥迷人已經得財

爲從者用藥迷人被迷之人當時知覺未經
受累者閩省不法棍徒引誘偷渡之人包攬
過臺中途謀害人未死同謀者應發極邊烟
瘴罪人事發在逃被獲時有拒捕者開審誘
取婦人子女勒賣爲從者永遠枷號人犯已
逾十年原擬死罪並應發新疆黑龍江者大
夥梟徒拒捕傷差案內之灶丁窩家及軍營
脫逃兵丁在軍務未竣以前投首者軍營脫
逃餘丁被獲者聚眾奪犯殺差案內隨同拒

捕未經毆人成傷者川省匪徒在野攔搶四人至九人未經傷人者臺灣無籍游民兇惡不法犯該徒罪以上情重者賊犯犯罪事發抗拒殺差案內爲從在場助勢者罪囚越獄脫逃二人以上原犯徒罪爲從及杖笞爲首並一二人原犯軍流爲從及徒罪爲首者幕友長隨書役等倚官妄爲累及本官罪應軍流以上與同罪者新疆兵丁跟役如有酗酒滋事互相調發者行竊軍犯在配復行竊者

搶奪金刃傷人及折傷下手爲從者積匪猾賊及窩留者回民犯竊結夥三人以上執持繩鞭器械者開棺見屍二次爲從者引誘包攬偷渡過臺招集男婦至三十人以上者軍流徒犯內強盜並有關倫理又兇徒擾害地方罪應發遣者俱不准聲請留養

○一搶竊滿貫擬絞秋審緩決一次者竊盜三犯贓至五十兩以上擬絞秋審緩決一次者三次犯竊計贓五十兩以下至三十兩者三十

兩以下至十兩者竊賊數多罪應滿流者搶奪傷人傷非金刃傷輕平復者竊盜臨時拒捕傷非金刃傷輕平復者發掘他人墳塚見棺槨爲首及開棺見屍爲從者內地民人在新疆犯至軍流互相調發者調姦未成和息後因人恥笑復追悔抱忿自盡致死二命者行營金刃傷人者川省匪徒在野攔搶十人以上被脇隨行者兇徒因事忿爭執持軍器毆人至篤疾者夥眾搶去良人子弟強行雞

姦之餘犯問擬發遣者並軍流徒犯內造賣販賣賭具誘拐及各項情輕人犯果於未經發配及甫經到配以前告稱有祖父母父母老疾應侍與例相符准其畱養一次照例卹責分別刺字詳記檔案若畱養之後復犯軍遣流徒等罪概不准再行畱養

續纂

。一凡戲殺誤殺擅殺鬪殺情輕及無關人命應擬死罪等項應入緩決可矜人犯定案時犯

親年歲不符原題內未經聲明應侍秋審後核其祖父母父母現已老疾孀婦守節年分均已符合或承招時家有次丁嗣經身故及被殺之家先有父母嗣已物故與畱養之例相符者由各督撫查明隨時隨案具題刑部核明題覆准其畱養

臣等謹按嘉慶四年_臣部奏稱本年三月內_臣部酌議鬪殺情輕擅殺戲殺及無關人命應擬死罪人犯應入緩決可矜者隨

本聲請畱養奏准在案至前項人犯有成招時親未老疾或孀婦守節未及二十年各督撫因與畱養定例不符原題未經聲明應侍緣由者向來俱俟秋審緩決奉旨減等後再行查辦伏思此等人犯身罹死罪卽監禁逾時固屬應得獨念其老病之親桑榆暮景風燭堪虞與其久禁囹圄而罪犯終邀寬典莫若早予侍養俾老疾得被

恩施應請嗣後家無次丁犯親年歲不符原題內
未經聲明應侍已入秋審緩決尙未減等
之犯無論入審次數核其祖父母父母現
已老疾應侍孀婦守節年分均已符合或
成招時家有次丁嗣經身故及被殺之家
先有父母嗣已物故與留養之例相符者
由各督撫查明取結隨時隨案具題臣部
照例核明題覆准其留養等因具奏奉
旨依議欽此欽遵在案應纂輯遵行又查誤殺一

項向例俱照戲殺一例辦理原奏未經聲
敘應行補入合併聲明

○一軍流人犯有兄弟並姪出繼可以歸宗者仍

照定例不准聲請留養外其徒罪人犯兄弟
並姪出繼者毋庸令其歸宗概准聲請留養

臣等謹按嘉慶四年福建巡撫汪志伊審
擬黃超賓砍傷竊賊陳年朋身死將黃超
賓照例減鬪殺罪二等擬徒聲明黃超賓
有胞兄陳廷妹出繼可以歸宗與獨子留

養之例不符毋庸贅請等因咨部經臣部議稱例載獨子留養之案如該犯本有兄弟並姪出繼可以歸宗者不得以留養贅請等語是親老丁單之犯有兄弟出繼可以歸宗者定例原不准其贅請留養但罪應軍流各犯終身不還本犯出繼之兄弟自應歸宗其所後之父母另繼別支至徒罪人犯一年至三年限滿卽應釋回若將本犯之出繼兄弟歸宗而所後之父母復

另繼別支不惟養獨之老人因卑幼犯罪而屢易其繼且本犯釋回後而歸宗之兄弟又思續繼適足以啟爭競殊非恤老杜獎之道自應量爲變通應令嗣後軍流人犯仍照定例辦理外其徒罪人犯凡親老丁單如該犯本有兄弟並姪出繼者毋庸令其歸宗槩准贅請留養本案黃超賓一犯照例枷責准其存留養親仍照例彙題並通行直隸等省一體遵辦等因咨行在

案應纂輯爲例以便遵行

續纂

。一凡軍務未竣以前自首逃兵內如實係因病落後並非無故脫逃而其父兄曾經歿於王事又親老家無次丁者准其畱養其無故脫逃續經拿獲者雖有父兄歿於王事仍不准其畱養

臣等謹按嘉慶五年臣部議奏陝甘總督覺羅長麟咨逃兵孫有因病落後逃回畏

罪自首該犯胞兄孫斌旣已陣亡其母曹氏年老家無次丁可否准其畱養摺內欽奉

上諭刑部奏逃兵孫有可否准其畱養一摺軍營逃兵在軍務未竣以前投首擬發遣罪者原不應准其畱養惟念孫有因染患疥瘡行走落後逃回畏罪自首且該犯之母曹氏現年七十一歲伊胞兄孫斌先經陣亡該犯兄弟二人均未娶妻生子家無次丁癯孀孤苦殊堪憫惻着加

恩准其畱養嗣後軍務未竣以前自首逃兵內如有實係因病落後並非無故脫逃而其父兄曾經歿於王事又親老家無次丁者均着照此案孫有之例准其畱養其無故脫逃續經拏獲者雖有父兄歿於王事仍不准畱養着爲令欽此欽遵在案應恭纂爲例以便遵行

○一親老丁單督請畱養之案除戲殺誤殺及鬪殺情輕或鬪殺情節稍重審無謀故別情應俟秋審時核辦者仍照定例分別辦理外其

謀殺故殺及連斃二命秋審時應入情實無疑之案定案時雖係親老丁單毋庸聲明應侍緣由

臣等謹按嘉慶五年_臣部核覆陝西巡撫

台布審題段青亮扎傷梁才李世乾先後身死聲明段青亮親老丁單俟秋審時取結辦理案內議稱_臣部向來辦理畱養之案如有父母老疾應侍者除謀故等案不准聲明應侍緣由外其戲殺誤殺及鬪殺

情輕各案俱准隨案聲請留養至情節較重審無謀故別情者該督撫於定案時將應侍緣由聲明俟秋審時取結報部分別辦理至連斃二命之案因例內並無不准聲明應侍緣由明文向俱於原題內聲敘俟秋審時再行辦理此案段青亮又斃二命情節最重卽秋審會核時亦係必入情實之案若仍照向例俟秋審時取結辦理輾轉行查徒繁案牘應請嗣後凡遇此等

連斃二命秋審應入情實無疑之案照謀故殺例雖親老丁單定案時均毋庸聲明應侍緣由以歸簡易等因具題奉

旨段青亮依擬應絞著監候秋後處決餘依議欽此欽遵在案應纂爲條例以便引用

原例

一戲殺誤殺擅殺鬪殺情輕及救親情切傷止一二處各犯核其情節秋審應入可矜之案如有祖父母父母老疾應侍及孀婦獨子伊

母守節已逾二十年者該督撫查取各結聲明具題法司隨案核覆聲請畱養其餘各案應俟秋審時分別情實緩決者該督撫於定案時止將應侍緣由聲明不必分別應准不應准字樣統俟秋審時取結報部刑部會同九卿覈定入於另冊進

呈恭候

欽定至夫毆妻致死並無故殺別情應行畱養承祀之案亦照鬪殺例分別情罪輕重辦理

朝審案件一體遵行

一凡戲殺誤殺擅殺鬪殺情輕及救親情切傷止一二處各犯如定案時犯親年歲不符原題內未經聲明應侍秋審後核其祖父母父母現已老疾孀婦守節年分均已符合或成招時家有次丁嗣經身故及被殺之家先有父母嗣已物故與畱養之例相符由各督撫查明已入秋審緩決可矜者隨時隨案具題刑部核明題覆准其畱養其未入秋審各案

應擬可矜者亦准其隨時查辦應緩決者照

例俟秋審時取結報部辦理

如係擅殺仍照例毋庸查被殺

之家有無父母

臣等謹按例載誤殺應入緩決之案秋審一次之後奏明減爲杖一百流三千里如所殺係其人之祖父母父母伯叔父母妻兄弟子孫在室女者俱俟查辦緩決時再行照例辦理等語是誤殺一項緩決一次之後既有准減不准減之分則親老丁單

應否隨案留養亦應分別辦理如緩決一次例准減等者卽准其隨案聲請例不准一次減等者應俟秋審時再行核辦今例內與戲殺擅殺鬪殺情輕等項統指應入可矜並未分晰登載恐致將例不准一次卽減之犯轉得隨案先行聲請留養似未允協應請於例內修改明晰以免歧誤謹將修改例文二條開列於後

修改

。一誤殺秋審緩決一次例准減等之案並戲殺擅殺鬪殺情輕及救親情切傷止一二處各犯核其情節秋審時應入可矜者如有祖父母父母老疾應侍及孀婦獨子伊母守節已逾二十年者該督撫查取各結聲明具題法司隨案核覆聲請開養其餘各案秋審並非應入可矜並誤殺緩決一次例不准減等者該督撫於定案時止將應侍緣由聲明不必分別應准不應准字樣統俟秋審時取結報

部刑部會同九卿核定入於另冊進

呈恭候

欽定至夫毆妻致死並無故殺別情應行畱養承祀之案亦照鬪殺例分別情罪輕重辦理
朝審案件一體遵行

。一凡誤殺戲殺擅殺鬪殺情輕及救親情切傷止一二處各犯如定案時犯親年歲不符原題內未經聲明應侍秋審後核其祖父母父母現已老疾孀婦守節年分均已符合或成

招時家有次丁嗣經身故及被殺之家先有父母嗣已物故與畱養之例相符由各督撫查明已入秋審緩決可矜者隨時隨案具題刑部核明題覆准其畱養其未入秋審各案如戲殺擅殺鬪殺應擬可矜及誤殺例准緩決一次減等者亦准其隨時查辦如誤殺不准一次減等之案及戲殺擅殺鬪殺應擬緩決者照例俟秋審時取結報部辦理

如係擅殺仍照例毋庸查破殺之家有無父母

原例

一凡獨子畱養之案如該犯本有兄弟併姪出繼可以歸宗者及本犯身爲人後所後之家可以另繼者概不得以畱養聲請若該犯之兄弟與姪出繼所後之家無可另繼之人不可歸宗及本犯所後之家無可另繼者仍准其聲請畱養

一軍流人犯有兄弟並姪出繼可以歸宗者仍照定例不准聲請畱養外其徒罪人犯兄弟

並姪出繼者毋庸令其歸宗概准聲請留養
臣等謹按以上二條俱係兄弟併姪出繼及本犯身爲人後分別准留養不准留養之例前條例內原包死罪及軍流遣犯而言後條首句只言軍流而不言死罪遣犯其徒罪人犯只言出繼而不言身爲人後均屬罅漏且兩條事理相類應請修併一條添纂明晰以省繁冗而昭賅備謹將修併例文開列於後

修併

一凡死罪及軍流遣犯獨子留養之案如該犯本有兄弟併姪出繼可以歸宗者及本犯身爲人後所後之家可以另繼者槩不得以留養聲請若該犯之兄弟與姪出繼所後之家無可另繼之人不可歸宗及本犯所後之家無可另繼者仍准其聲請留養其徒罪人犯兄弟並姪出繼毋庸令其歸宗及本犯身爲人後毋庸另繼槩准聲請留養

原例

一遣犯內強盜窩主造意不行又不分贓者旗下正身犯積匪者拿獲逃人不將實在窩留之人指出再行妄扳者發遣雲貴兩廣烟瘴偷創人參人犯在配脫逃者

盛京旗下家奴爲匪逃走至二次者派往各省駐防滿洲兵丁臨行及中途脫逃者用藥迷人甫經學習卽行敗露者用藥迷人已經得財爲從者用藥迷人被迷之人當時知覺未經

受累者閩省不法棍徒引誘偷渡之人包攬過臺中途謀害人未死同謀者應發極邊烟瘴罪人事發在逃被獲時有拒捕者開審誘取婦人子女勒賣爲從者永遠枷號人犯已逾十年原擬死罪並應發新疆黑龍江者大駭梟徒拒捕傷差案內之竈丁窩家及軍營脫逃兵丁在軍務未竣以前投首者軍營脫逃餘丁被獲者聚眾奪犯殺差案內隨同拒捕未經毆人成傷者川省匪徒在野攔搶四

人至九人未經傷人者臺灣無籍游民兇惡不法犯該徒罪以上情重者賊犯犯罪事發抗拒殺差案內爲從在場助勢者罪因越獄脫逃三人以上原犯徒罪爲從及杖笞爲首並一二人原犯軍流爲從及徒罪爲首者幕友長隨書役等倚官妄爲累及本官罪應軍流以上與同罪者新疆兵丁跟役如有酗酒滋事互相調發者行竊軍犯在配復行竊者搶奪金刃傷人及折傷下手爲從者積匪猾

賊及窩留者回民犯竊結夥三人以上執持繩鞭器械者開棺見屍二次爲從者引誘包攬偷渡過臺招集男婦至三十人以上者軍流徒犯內強盜並有關倫理及兇徒擾害地方罪應發遣者俱不准聲請畱養

臣等謹按積匪猾賊不准畱養例內業已載明旗人犯竊銷除旗檔照民人一例辦理立有專條此條例內旗下正身犯積匪一項係屬重複已於嘉慶六年十月內

部議覆福建道御史鄭敏行條奏案內奏准刪除在案應行節刪再查蠹役詐贓積慣訟棍罪應擬罪兩項例無不准畱養明文查此等人犯一係在官人徒一係播弄鄉愚遇事恐嚇索詐情節均屬較重若一概准其畱養殊非所以懲奸惡而安良懦自應俱不准聲請畱養添入例內以示懲儆謹將修改例文開列於後

修改

○一遣犯內強盜窩主造意不行又不分贓者拿獲逃人不將實在窩畱之人指出再行妄扳者發遣雲貴兩廣烟瘴偷創人參人犯在配脫逃者

盛京旗下家奴爲匪逃走至二次者派往各省駐防滿洲兵丁臨行及中途脫逃者用藥迷人甫經學習卽行敗露者用藥迷人已經得財爲從者用藥迷人被迷之人當時知覺未經受累者閩省不法棍徒引誘偷渡之人包攬

過臺中途謀害人未死同謀者應發極邊烟瘴罪人事發在逃被獲時有拒捕者開審誘取婦人子女勒賣爲從者永遠枷號人犯已逾十年原擬死罪並應發新疆黑龍江者大夥梟徒拒捕傷差案內之竈丁窩家及軍營脫逃兵丁在軍務未竣以前投首者軍營脫逃餘丁被獲者聚眾奪犯殺差案內隨同拒捕未經毆人成傷者川省匪徒在野攔搶四人至九人未經傷人者臺灣無籍游民兇惡

不法犯該徒罪以上情重者賊犯犯罪事發抗拒殺差案內爲從在場助勢者罪囚越獄脫逃三人以上原犯徒罪爲從及杖笞爲首並一二人原犯軍流爲從及徒罪爲首者幕友長隨書役等倚官妄爲累及本官罪應軍流以上與同罪者新疆兵丁跟役如有酗酒滋事互相調發者行竊軍犯在配復行竊者搶奪金刃傷人及折傷下手爲從者積匪猾賊及窩留者回民犯竊結夥三人以上執持

繩鞭器械者開棺見屍二次爲從者引誘包攬偷渡過臺招集男婦至三十人以上者蠹役詐贓十兩以上者積慣訟棍罪應擬軍者軍流徒犯內強盜並有關倫理及兇徒擾害地方罪應發遣者俱不准聲請畱養

原例

一凡弟殺胞兄及毆死大功以下尊長者皆按律定擬概不准聲請畱養承祀若按其所犯情節實可矜憫者該督撫於疏內敘明恭候

欽定

臣等謹按毆殺大功以下尊長原包總麻服制在內查毆死總麻尊長罪止斬候如有親老丁單應否畱養統於秋審時分別實緩辦理與毆死期功尊長罪止斬決祇准敘明可原情節不准聲請畱養者不同應請將毆死總麻尊長一項於例後另行添敘又毆殺外姻功總尊長亦罪止斬候與本宗總麻相同應一併添入以昭賅備

至弟殺胞兄卽係毆死期親尊長應改爲
卑幼毆死本宗期功尊長謹將修改例文
開列於後

修改

。一凡卑幼毆死本宗期功尊長者皆按律定擬
概不准聲請畱養承祀若按其所犯情節實
可矜憫者該督撫於疏內聲明恭候

欽定至毆死本宗總麻外姻功總尊長如有親老丁
單應行畱養統俟秋審時取結分別辦理

原例

一凡鬪毆命案於相驗時卽將兇犯有無祖父
母父母老疾及該犯是否獨子訊証明確一
併詳報定案時如應畱養再行取結若到案
時非例應畱養之人及成招時其祖父母父
母已成老疾或兄弟子姪死亡仍一體援例
畱養

一親老丁單聲請畱養之案除戲殺誤殺及鬪
殺情輕或鬪殺情節稍重審無謀故別情應

俟秋審時核辦者仍照定例分別辦理外其謀殺故殺及連斃二命秋審時應入情實無疑之案定案時雖係親老丁單毋庸聲明應侍緣由

一誤殺秋審緩決一次例准減等之案並戲殺擅殺鬪殺情輕及救親情切傷止一二處各犯核其情節秋審時應入可矜者如有祖父母父母老疾應侍及孀婦獨子伊母守節已逾二十年者該督撫查取各結聲明具題法

司隨案核覆聲請畱養其餘各案秋審並非應入可矜並誤殺緩決一次例不准減等者該督撫於定案時止將應侍緣由聲明不必分別應准不應准字樣統俟秋審時取結報部刑部會同九卿核定入於另冊進

呈恭候

欽定至夫毆妻至死並無故殺別情應行畱養承祀之案亦照鬪殺例分別情罪輕重辦理

朝審案件一體遵行

一凡誤殺戲殺擅殺鬪殺情輕及救親情切傷止一二處各犯如定案時犯親年歲不符原題內未經聲明應待秋審後核其祖父母父母現已老疾孀婦守節年分均已符合或成招時家有次丁嗣經身故及被殺之家先有父母嗣已物故與畱養之例相符由各督撫查明已入秋審緩決可矜者隨時隨案具題刑部核明題覆准其畱養其未入秋審各案如戲殺擅殺鬪殺應擬可矜及誤殺例准緩

決一次減等者亦准其隨時查辦如誤殺不

准一次減等之案及戲殺擅殺鬪殺應擬緩

決者照例俟秋審時取結報部辦理

如係擅殺仍照

例毋庸查被殺之家有無父母

臣等謹按以上四條均係人命案件分別

畱養定例事理相類語意重複應請畫一

修併以歸簡明再查戲殺一項與誤殺之

案俱係緩決一次即准減等並不入於可

矜第三條例內戲殺應擬可矜者隨案聲

請留養第四條例內戲殺應擬可矜亦准隨時查辦等語均核與辦理秋審章程不符應請將兩條例內戲殺二字俱載於誤殺之上以昭畫一至夫故殺妻罪止絞候與故殺平人不同秋審有應入情實者有應入緩決者其親老丁單應否留養承祀向係附疏聲明俟秋審時取結分別核辦間有因情節慘忍隨案聲明不准者亦係隨時懲創之意並非概不准其留養承祀

今第三條例內聲稱並無故殺別情則凡故殺之案不在查辦之列例內兩歧殊未畫一臣等公同酌議應請嗣後夫致死妻應行留養承祀之案無論毆殺故殺統於秋審時取結分別情罪輕重辦理於例內修改明晰以便遵行謹將修併修改例文二條開列於後

修併

○一凡人命案件於相驗時即將兇犯之親有無

老疾該犯是否獨子訊證明確一併詳報定案時係戲殺及誤殺秋審緩決一次例准減等之案並擅殺鬪殺情輕及救親情切傷止一二處各犯核其情節秋審時應入可矜者如有祖父母父母老疾應侍及孀婦獨子伊母守節已逾二十年者或到案時非例應留養之人迫成招時其祖父母父母已成老疾兄弟子姪死亡者該督撫查取各結聲明具題法司隨案核覆聲請留養其餘各案秋審

並非應入可矜並誤殺緩決一次例不准減等者該督撫於定案時止將應侍緣由聲明不必分別應准不應准字樣統俟秋審時取結報部刑部會同九卿核定入於另冊進

呈恭候

欽定其謀故殺及連斃二命秋審應入情實無疑之案雖親老丁單毋庸聲請留養至夫致死妻應行留養承祀之案無論毆殺故殺統於秋審時取結分別情罪輕重辦理

朝審案件一體遵行

修改

。一凡戲殺誤殺擅殺鬪殺情輕及救親情切傷止一二處各犯如定案時犯親年歲不符原題內未經聲明應侍秋審後核其祖父母父母現已老疾孀婦守節年分均已符合或成招時家有次丁嗣經身故及被殺之家先有父母嗣已物故與鬪養之例相符由各督撫查明已入秋審緩決可矜者隨時隨案具題

刑部核明題覆准其鬪養其未入秋審各案如擅殺鬪殺應擬可矜戲殺及誤殺例准緩決一次減等者亦准其隨時查辦如誤殺不准一次減等之案及擅殺鬪殺應擬緩決者照例俟秋審時取結報部辦理

如係直隸仍照例毋庸查被殺之家有無父母

續纂

。一尊長故殺卑幼之案如有親老丁單定案時於疏內聲明俟秋審時取結報部分別情罪

輕重辦理

臣等謹按尊長故殺卑幼按服制科斷之案如有親老丁單例無畱養明文臣部每遇此等案件均於定案時附疏聲明俟秋審時取結報部酌核情罪輕重分別辦理歷次遵循惟例內究無專條恐辦理未能畫一應請纂輯爲例以便遵辦

原例

一凡人命案件於相驗時即將兇犯之親有無

老疾該犯是否獨子訊證明確一併詳報定案時係戲殺及誤殺秋審綏決一次例准減等之案並擅殺鬪殺情輕及救親情切傷止一二處各犯核其情節秋審時應入可矜者如有祖父母父母老疾應侍及孀婦獨子伊母守節已逾二十年者或到案時非例應畱養之人迫成招時其祖父母父母已成老疾兄弟子姪死亡者該督撫查取各結聲明具題法司隨案核覆聲請畱養其餘各案秋審

並非應入可矜並誤殺緩決一次例不准減等者該督撫於定案時止將應侍緣由聲明不必分別應准不應准字樣統俟秋審時取結報部刑部會同九卿核定入於另冊進

呈恭候

欽定其謀故殺及連斃二命秋審入情實無疑之案雖親老丁單毋庸聲請留養至夫致死妻應行留養承祀之案無論毆殺故殺統於秋審時取結分別情罪輕重辦理

朝審案件一體遵行

臣等謹按例內擅殺鬪殺情輕秋審應入可矜者如有祖父母父母老疾應侍及孀婦獨子俱准隨案聲請留養至夫毆故殺妻之案如死係詈罵翁姑不孝有據秋審應入可矜者遇有應行留養承祀者亦應准其隨案聲請惟例內祇載夫致死妻無論毆殺故殺統於秋審時取結分別情罪輕重辦理並未聲明可矜准其隨案留養

承祀係屬呈漏應添纂明晰以昭賅備謹將修改例文開列於後

修改

。一凡人命案件於相驗時即將兇犯之親有無老疾該犯是否獨子訊證明確一併詳報定案時係戲殺及誤殺秋審緩決一次例准減等之案並擅殺鬪殺情輕及救親情切傷止一二處各犯核其情節秋審時應入可矜者如有祖父母父母老疾應侍及孀婦獨子伊

母守節已逾二十年者或到案時非例應畱養之人迫成招時其祖父母父母已成老疾兄弟子姪死亡者該督撫查取各結聲明具題法司隨案核覆聲請畱養其餘各案秋審並非應入可矜並誤殺緩決一次例不准減等者該督撫於定案時止將應侍緣由聲明不必分別應准不應准字樣統俟秋審時取結報部刑部會同九卿核定入於另冊進

呈恭候

欽定其謀故殺及連斃二命秋審應入情實無疑之案雖親老丁單毋庸聲請留養至夫致死妻應行留養承祀之案無論毆殺故殺如核其情節秋審應入可矜者亦准隨案聲請其餘統俟秋審時取結分別情罪輕重辦理

朝審案件一體遵行

原例

一殺人之犯有奏請存留養親者查明被殺之人有無父母是否獨子於本內聲明如被殺

之人亦係獨子親老無人奉侍則殺人之犯不准留養若被殺之人無姓名籍貫可以關查者仍准其聲請留養不擅殺罪人之案與毆斃平人不同如有親老應侍照例聲請毋庸查被殺之家有無父母是否獨子

臣等謹按嘉慶二十四年三月內據調任安徽巡撫康紹鏞咨稱鮑懷友扎傷王悰成身死一案前經審擬並聲明犯母王氏年逾七十家無次丁已死王悰成是否獨

子關查明確另行辦理等情具題在案茲傳屍父王華山到案訊據供稱年七十歲止生王棕成一子自幼不服管教亦不養贍伊將其擯逐並無捏飾情願具結等供查例載被殺之人亦係獨子親老無人奉侍殺人之犯不准畱養等語此案已死王棕成因不服管教亦不養贍早被其父王華山擯逐具有切結是死係忘親不孝之人其生前雖有應侍之親而其親實與無

子無異至兇犯鮑懷友現經查訊委係母老丁單取有各結核其情節秋審應入緩決死者之親早非死者奉侍該犯之母實靠該犯奉養揆情核理似可將鮑懷友聲明畱養惟與定例稍有未符應否准其畱養之處咨請部示等因當經臣部查命案免死畱養人犯例內必查明被殺之家是否獨子者原以畱養一條仁施法外而例本人情人各有親親皆侍養如死者之父

母因其子被殺以致侍養無人則犯親自不得獨享晨昏之奉定例所載誠爲仁至義盡若死者平日遊蕩離鄉棄親不顧或因不肯養贍爲父母所擯逐是死者生前已不能孝養其親並非被殺之後其父母始無人侍奉揆情核理自不必仍拘死者亦係獨子兇犯不准畱養之例此案鮑懷友扎傷王棕成身死核其情節秋審時應入緩決該犯母老丁單旣據該撫飭查屬

實死者雖係獨子平日不聽教訓不供養贍早爲其父擯逐亦據傳到屍父王華山供明取具切結自應准其畱養行令該撫俟秋審時歸入畱養冊內辦理並通行各省一體遵照在案應於例內增修明晰以便引用謹將修改例文開列於後

修改

。一殺人之犯有秋審應入緩決應准存畱養親者查明被殺之人有無父母是否獨子於本

內聲明如被殺之人亦係獨子親老無人奉侍則殺人之犯不准留養若被殺之人平日遊蕩離鄉棄親不顧或因不供養贍不聽教訓爲父母所擯逐及無姓名籍貫可以關查者仍准其聲請留養至擅殺罪人之案與毆斃平人不同如有親老應侍照例聲請毋庸查被殺之家有無父母是否獨子

犯罪存留養親

原例

一殺人之犯有秋審應入緩決應准存留養親者查明被殺之人有無父母是否獨子於本內聲明如被殺之人亦係獨子親老無人奉侍則殺人之犯不准留養若被殺之人平日遊蕩離鄉棄親不顧或因不供養贍不聽教訓爲父母所擯逐及無姓名籍貫可以關查者仍准其聲請留養至擅殺罪人之案與毆

斃平人不同如有親老應侍照例聲請毋庸查被殺之家有無父母是否獨子

臣等謹按道光四年六月內據陞任直隸總督蔣 以辦理留養如被殺之人亦係獨子而其親並未老疾是否即准兇犯留養咨請部示經 臣部查明乾隆二十一年 臣部議覆直隸按察使條奏一摺內稱被殺者果係獨子其父母雖未老疾而現在別無次丁即屬無人奉侍豈得以年齒尚

壯懸揣他日或可生子遂准兇犯留養至於孀婦獨子被殺尤爲獨無依更毋庸計其是否老疾展轉遷就議令嗣後辦理獨子留養之案總以被殺之人是否獨子有無父母爲斷如被殺者之父母別無子嗣無論其老疾與否不准將兇犯聲請留養等因當經咨覆該省查照辦理並通行各省在案惟查原例內所稱被殺之人亦係獨子親老無人奉侍字樣究未明晰應

行修改謹將修改例文開列於後

修改

。一殺人之犯有秋審應入緩決應准存留養親者查明被殺之人有無父母是否獨子於本內聲明如被殺之人亦係獨子但其親尚在無人奉侍不論老疾與否殺人之犯皆不准留養若被殺之人平日遊蕩離鄉棄親不顧或因不供養贍不聽教訓爲父母所擯逐及無姓名籍貫可以關查者仍准其聲請留養

至擅殺罪人之案與毆斃平人不同如有親老應侍照例聲請毋庸查被殺之家有無父母是否獨子

原例

一遣犯內強盜窩主造意不行又不分贓者掣獲逃人不將實在窩留之人指出再行妄扳者發遣雲貴兩廣烟瘴偷創人參人犯在配脫逃者

盛京旗下家奴爲匪逃走至二次者派往各省駐

防滿州兵丁臨行及中途脫逃者用藥迷人甫經學習卽行敗露者用藥迷人已經得財爲從者用藥迷人被迷之人當時知覺未經受累者聞省不法棍徒引誘偷渡之人包攬過臺中途謀害人未死同謀者應發極邊烟瘴罪人事發在逃被獲時有拒捕者開審誘取婦人子女勒賣爲從者永遠枷號入犯已逾十年原擬死罪並應發新疆黑龍江者大夥梟徒拒捕傷差案內之竈丁窩家及軍營

脫逃兵丁在軍務未竣以前投首者軍營脫逃餘丁被獲者聚眾奪犯殺差案內隨同拒捕未經毆人成傷者川省匪徒在野攔搶四人至九人未經傷人者臺灣無籍遊民兇惡不法犯該徒罪以上情重者賊犯犯罪事發抗捕殺差案內爲從在場助勢者罪囚越獄脫逃三人以上原犯徒罪爲從及杖笞爲首並一二人原犯軍流爲從及徒罪爲首者幕友長隨書役等倚官妄爲累及本官罪應軍

流以上與同罪者新疆兵丁跟役如有酗酒
滋事互相調發者行竊軍犯在配復行竊者
搶奪金刃傷人及折傷下手爲從者積匪猾
賊及窩留者回民犯竊結夥三人以上執持
繩鞭器械者開棺見屍二次爲從者引誘包
攬偷渡過臺招集男婦至三十人以上者蠹
役詐贓十兩以上者積慣訟棍罪應擬軍者
軍流徒犯內強盜並有關倫理及兇徒擾害
地方罪應發遣者俱不准聲請開養

臣等謹按道光十年四月內臣部具奏審
擬鄧八興販鴉片烟一案奉

旨此案鄧八興販鴉片烟已成刑部照收買違禁
貨物例應軍並以該犯供明親老丁單請交該
督查辦固係照例定擬惟鴉片烟貽害民生屢
經嚴禁而奸徒仍敢藐法販賣罪旣無可復加
若再以親老丁單准其畱養殊不足以儆藐玩
鄧八一犯著枷號一個月發近邊充軍不准畱
養嗣後遇有販賣鴉片烟之犯供明親老丁單

者著將此案聲敘請旨等因欽此欽遵通行各省在案臣等查情重軍流等犯不准畱養例內載有明文今販賣鴉片烟擬軍之犯既經奉

旨不准畱養應於例內添纂以資引用謹將修輯

例文開列於後

修改

。一遣犯內強盜窩主造意不行又不分贓者挈獲逃人不將實在窩畱之人指出再行妄扳

者發遣雲貴兩廣烟瘴偷創人參人犯在配

脫逃者

盛京旗下家奴爲匪逃走至二次者派往各省駐

防滿州兵丁臨行及中途脫逃者用藥迷人

甫經學習卽行敗露者用藥迷人已經得財

爲從者用藥迷人被迷之人當時知覺未經

受累者聞省不法棍徒引誘偷渡之人包攬

過臺中途謀害人未死同謀者應發極邊烟

瘴罪人事發在逃被獲時有拒捕者開霍誘

取婦人子女勒賣爲從者永遠枷號人犯已逾十年原擬死罪應發遣充軍者大夥梟徒拒捕傷差案內之竈丁窩家及軍營脫逃兵丁在軍務未竣以前投首者軍營脫逃餘丁被獲者聚眾奪犯殺差案內隨同拒捕未經毆人成傷者川省匪徒在野攔搶四人至九人未經傷人者臺灣無籍遊民兇惡不法犯該徒罪以上情重者賊犯犯罪事發抗拒殺差案內爲從在場助勢者罪囚越獄脫逃三

人以上原犯徒罪爲從及杖笞爲首並一二人原犯軍流爲從及徒罪爲首者幕友長隨書役等倚官妄爲累及本官罪應軍流以上與同罪者新疆兵丁跟役如有酗酒滋事互相調發者行竊軍犯在配復行竊者搶奪金刃傷人及折傷下手爲從者積匪猾賊及窩出者回民犯竊結夥三人以上執持繩鞭器械者開棺見屍二次爲從者引誘包攬偷渡過臺招集男婦至三十人以上者蠹役詐贓

十兩以上者積慣訟棍罪應擬軍者與販鴉片烟爲首者軍流徒犯內強盜並有關倫理及兇徒擾害地方罪應發遣者俱不准聲請
留養

犯罪存留養親

原例

一凡卑幼毆死本宗期功尊長者皆按律定擬概不准聲請留養承祀若按其所犯情節實可矜憫者該督撫於疏內聲明恭候

欽定至毆死本宗總麻外姻功總尊長如有親老丁單應行留養統俟秋審時取結分別辦理

臣等謹按此條例文係乾隆十六年纂定惟查尋常死罪人犯非獨立決之案不准

聲請畱養卽問擬斬絞監候秋審應入情實者亦不在聲請之列至卑幼毆死期功尊長服制攸關若定案時遽准其聲請畱養是較之常犯辦理轉輕不足以昭平允故歷來遇有卑幼毆死本宗期功尊長皆按律問擬斬決雖親老丁單概不准聲請畱養其有所犯情節實可矜憫奉

旨改爲擬斬監候者亦必俟秋審情實兩次蒙恩免勾奏明改入緩決之後方准將應侍緣由聲

明補請畱養所有例載疏內聲明恭候欽定之處應酌加修改以免參差謹將修改例文開列於後

修改

。一八卑幼毆死本宗期功尊長定案時皆按律問擬概不聲准請畱養其有所犯情節實可矜憫奉

旨改爲擬斬監候者統俟秋審情實二次蒙

恩未勾奏明改入緩決之後由該督撫查明該犯應

侍緣由於秋審時取結報部核辦至毆死本宗總麻外姻功總尊長如有親老丁單應行留養均俟秋審時取結分別辦理

原例

一凡部內題結軍流徒犯及免死流犯未經發配以前告稱祖父母父母老疾應侍及其母係屬孀婦守節已逾二十年家無以次成丁者如屬大宛二縣民人該縣查明府尹確察報部如屬五城民人兵馬司掌印指揮查明

巡城御史確查報部如屬外省民人州縣官查明督撫確察報部軍流徒犯照數決杖徒犯枷號一個月軍流枷號四十日免死流犯枷號兩個月俱准存留養親其各省人犯該督撫照此確查辦理若在外人犯咨解到部之後始告留養者取具該犯確供一面解配一面行查原籍督撫及人犯甫經到配告稱留養者該配所一面收管一面行查如果例應留養取結報部將該犯解籍留養原審官

照軍流等犯未經審出實情例議處

一凡人命案件於相驗時即將兇犯之親有無老疾該犯是否獨子訊證明確一併詳報定案時係戲殺及誤殺秋審緩決一次例准減等之案並擅殺鬪殺情輕及救親情切傷止一二處各犯核其情節秋審時應入可矜者如有祖父母父母老疾應侍及孀婦獨子伊母守節已逾二十年者或到案時非例應畱養之人迫成招時其祖父母父母已成老疾

兄弟子姪死亡者該督撫查取各結聲明具題法司隨案核覆聲請畱養其餘各案秋審並非應入可矜並誤殺緩決一次例不准減等者該督撫於定案時止將應侍緣由聲明不必分別應准不應准字樣統俟秋審時取結報部刑部會同九卿核定入於另冊進

呈恭候

欽定其謀故殺及連斃二命秋審應入情實無疑之案雖親老丁單毋庸聲請畱養至夫致死妻

應行畱養承祀之案無論毆殺故殺如核其情節秋審應入可矜者亦准隨案聲請其餘統俟秋審時取結分別情罪輕重辦理

朝審案件一體遵行

臣等謹按道光十二年十一月內據陞任江西道監察御史金應鄰奏請修改刪易刑例一摺內稱軍流徒犯及免死流犯未經發配以前告稱其母係屬孀婦守節已逾二十年家無以次成丁者照數杖枷俱

准存畱養親查守節之母甫屆二十年卽准畱養已逾二字似應刪等語經臣部查原例內已逾二字自係專指守節在二十年以上者而言惟親老應侍定例以七十年爲限與孀母應侍定例以二十年爲限情事略同乃親老應侍之案不必犯親已逾七十歲卽准聲明而獨子孀婦應侍之案必令守節已逾二十年始與查辦似不足以昭平允况婦女苦節撫孤既閱二十

年之久立志已屬堅貞若必待其已逾二十年始准請侍則凡守節在二十年以內者雖所爭僅止數旬亦不得邀恩格外尤非矜全貞節之意議將軍流徒犯畱養及人命案件畱養例內已逾二字一併刪去等因具奏奉

旨允准通行遵照在案應將例內已逾二字刪去謹將修改例文開列於後

修改

。一凡部內題結軍流徒犯及免死流犯未經發配以前告稱祖父母父母老疾應侍及其母係屬孀婦守節二十年家無以次成丁者如屬大宛二縣民人該縣查明府尹確查報部如屬五城民人兵馬司掌印指揮查明巡城御史確查報部如屬外省民人州縣官查明督撫確察報部軍流徒犯照數決杖徒犯枷號一個月軍流枷號四十日免死流犯枷號兩個月俱准存畱養親其各省人犯該督撫

照此確查辦理若在外人犯咨解到部之後始告畱養者取具該犯確供一面解配一面行查原籍督撫及人犯甫經到配告稱畱養者該配所一面收管一面行查如果例應畱養取結報部將該犯解籍畱養原審官照軍流等犯未經審出實情例議處

○一凡人命案件於相驗時即將兇犯之親有無老疾該犯是否獨子訊證明確一併詳報定案時係戲殺及誤殺秋審緩決一次例准減

等之案並擅殺鬪殺情輕及救親情切傷止

一二處各犯核其情節秋審時應入可矜者

如有祖父母父母老疾應侍及孀婦獨子伊

母守節二十年者或到案時非例應畱養之

人迫成招時其祖父母父母已成老疾兄弟

子姪死亡者該督撫查取各結聲明具題法

司隨案核覆聲請畱養其餘各案秋審並非

應入可矜並誤殺緩決一次例不准減等者

該督撫於定案時止將應侍緣由聲明不必

分別應准不應准字樣統俟秋審時取結報部刑部會同九卿核定入於另冊進

呈恭候

欽定其謀故殺及連斃二命秋審應入情實無疑之案雖親老丁單毋庸聲請留養至夫致死妻應行留養承祀之案無論毆殺故殺如核其情節秋審應入可矜者亦准隨案聲請其餘統俟秋審時取結分別情罪輕重辦理朝審案件一體遵行

犯罪存留養親

原例

一遣犯內強盜窩主造意不行又不分贓者拿獲逃人不將實在窩留之人指出再行妄扳者發遣雲貴兩廣烟瘴偷創人參人犯在配脫逃者

盛京旗下家奴爲匪逃走至二次者派往各省駐防滿洲兵丁臨行及中途脫逃者用藥迷人甫經學習卽行敗露者用藥迷人已經得財

爲從者用藥迷人被迷之人當時知覺未經
受累者聞省不法棍徒引誘偷渡之人包攬
過臺中途謀害人未死同謀者應發極邊煙
瘴罪人事發在逃被獲時有拒捕者開審誘
取婦人子女勒賣爲從者永遠枷號人犯已
逾十年原擬死罪應發遣充軍者大夥梟徒
拒捕傷差案內之竈丁窩家及軍營內脫逃
兵丁在軍務未竣以前投首者軍營脫逃餘
丁被獲者聚眾奪犯殺差案內隨同拒捕未

經毆人成傷者川省匪徒在野攔搶四人至
九人未經傷人者臺灣無籍游民兇惡不法
犯該徒罪以上情重者賊犯犯罪事發抗拒
殺差案內爲從在場助勢者罪囚越獄脫逃
三人以上原犯徒罪爲從及杖笞爲首並一
二人原犯軍流爲從及徒罪爲首者幕友長
隨書役等倚官妄爲累及本官罪應軍流以
上與同罪者新疆兵丁跟役如有酗酒滋事
互相調發者行竊軍犯在配復行竊者搶奪

金刃傷人及折傷下手爲從者積匪猾賊及
窩留者回民犯竊結夥三人以上執持繩鞭
器械者開棺見屍二次爲從者引誘包攬偷
渡過臺招集男婦至三十人以上者蠹役詐
贓十兩以上者積慣訟棍罪擬軍者與販鴉
片烟爲首者軍流徒犯內強盜並有關倫理
及兇徒擾害地方罪應發遣者俱不准聲請
畱養

臣等謹按道光十九年五月內大學士軍

機大臣會同各衙門及臣部議覆陞任鴻
臚寺卿黃爵滋並各省將軍都統督撫及
各科道條奏嚴禁鴉片烟章程一摺內稱
鴉片煙案犯告稱畱養例內祇有興販爲
首者不准畱養其餘向無專條今擬鴉片
煙案內問擬流罪以上人犯有告稱畱養
者概不查辦等因具奏奉

上諭照所議辦理並著纂入則例永遠遵行等因
欽此等伏查原定鴉片煙章程現已一

年六個月限滿其興販爲首人犯現例應擬絞候所有原例遣犯內興販鴉片煙爲首不准畱養一條應改爲鴉片煙案內間擬流罪以上不准畱養以資引用謹將修改例文開列於後

修改

。一遣犯內強盜窩主造意不行又不分贓者拿獲逃人不將實在窩畱之人指出再行妄扳者發遣雲貴兩廣烟瘴儉創人參人犯在配

脫逃者

盛京旗下家奴爲匪逃走至二次者派往各省駐防滿洲兵丁臨行及中途脫逃者用藥迷人甫經學習即行敗露者用藥迷人已經得財爲從者用藥迷人被迷之人當時知覺未經受累者聞省不法棍徒引誘偷渡之人包攬過臺中途謀害人未死同謀者應發極邊煙瘴罪人事發在逃被獲時有拒捕者開審誘取婦人子女勒買爲從者永遠枷號人犯已

逾十年原擬死罪應發遣充軍者大夥梟徒拒捕傷差案內之竈丁窩家及軍營脫逃兵丁在軍務未竣以前投首者軍營脫逃餘丁被獲者聚眾奪犯殺差案內隨同拒捕未經毆人成傷者川省匪徒在野攔搶四人至九人未經傷人者臺灣無籍游民兇惡不法犯該徒罪以上情重者賊犯犯罪事發抗拒殺差案內爲從在場助勢者罪囚越獄脫逃三人以上原犯徒罪爲從及杖笞爲首並一二

人原犯軍流爲從及徒罪爲首者幕友長隨書役等倚官妄爲累及本官罪應軍流以上與同罪者新疆兵丁跟役如有酗酒滋事互相調發者行竊軍犯在配復行竊者搶奪金刃傷人及折傷下手爲從者積匪猾賊及窩留者回民犯竊結夥三人以上執持繩鞭器械者開棺見屍二次爲從者引誘包攬偷渡過臺招集男婦至三十人以上者蠹役詐贓十兩以上者積慣訟棍罪應擬軍者鴉片烟

案內問擬流罪以上者軍流徒犯內強盜並
有關倫理及兇徒擾害地方罪應發遣者俱
不准聲請留養

續纂

。一各衙門差役犯案除因公致罪及因人連累
或尋常過犯並無倚勢滋擾重情遇有親老
丁單仍准查辦留養外其餘概不准聲請留
養

臣等謹按道光十七年十月內據陞任山

東道監察御史胡長庚奏嚴懲姦胥蠹役
請酌改條例一摺內稱獨子犯罪例有准
其留養之條差役一項每有眾人共爲其
事專以例准留養一人頂認罪名者並有
明知留養之例敢於犯法而無所畏者案
由該管衙門辦理其虛實無從窮詰是以
各省留養之案差役最多殊失定律本義
應請嗣後差役犯案無論案情准否留養
一概毋庸查辦等語經部查書役倚官

妄爲累及本官及蠹役詐贓十兩以上者
例內俱不准聲請留養是差役犯罪情重
者原有不准留養之例然亦有所犯情罪
較輕如因公致罪及因人連累或尋常過
犯等類若因其身充差役一概不准查辦
未免因噎廢食議請嗣後各衙門差役犯
案除因公致罪及因人連累或尋常過犯
並無倚勢滋擾情事遇有親老丁單仍准
其查辦留養外其餘雖親老丁單概不准

其留養以昭懲創等因具奏奉

旨允准通行遵照在案謹纂輯專條以資引用

各例

犯罪存留養親

原例

一遣犯內強盜窩主造意不行又不分贓者拏獲逃人不將實在窩留之人指出再行妄扳者發遣雲貴兩廣烟瘴偷創人參人犯在配脫逃者

盛京旗下家奴爲匪逃走至二次者派往各省駐防滿洲兵丁臨行及中途脫逃者用藥迷人

甫經學習卽行敗露者用藥迷人已經得財
爲從者用藥迷人被迷之人當時知覺未經
受累者聞省不法棍徒引誘偷渡之人包攬
過臺中途謀害人未死同謀者應發極邊烟
瘴罪人事發在逃被獲時有拒捕者開鎗誘
取婦人子女勒賣爲從者永遠枷號人犯已
逾十年原擬死罪應發遣充軍者大夥梟徒
拒捕傷差案內之竈丁窩家及軍營脫逃兵
丁在軍務未竣以前投首者軍營脫逃餘丁

被獲者聚眾奪犯殺差案內隨同拒捕未經
毆人成傷者川省匪徒在野攔搶四人至九
人未經傷人者臺灣無籍游民兇惡不法犯
該徒罪以上情重者賊犯犯罪事發抗拒殺
差案內爲從在場助勢者罪囚越獄脫逃三
人以上原犯徒罪爲從及杖笞爲首並一二
人原犯軍流爲從及徒罪爲首者幕友長隨
書役等倚官妄爲累及本官罪應軍流以上
與同罪者新疆兵丁跟役如有酗酒滋事互

相調發者行竊軍犯在配復行竊者搶奪金刃傷人及折傷下手爲從者積匪猾賊及窩留者回民犯竊結夥三人以上執持繩鞭器械者開棺見屍二次爲從者引誘包攬偷渡過臺招集男婦至三十人以上者蠹役詐贓十兩以上者積慣訟棍罪應擬軍者鴉片烟案犯問擬流罪以上者軍流徒犯內強盜並有關倫理及兇徒擾害地方罪應發遣者俱不准聲請留養

修改

。一遣犯內強盜窩主造意不行又不分贓者拏獲逃人不將實在窩留之人指出再行妄扳者發遣雲貴兩廣烟瘴偷創人參人犯在配脫逃者

盛京旗下家奴爲匪逃走至二次者派往各省駐防滿洲兵丁臨行及中途脫逃者用藥迷人甫經學習卽行敗露者用藥迷人已經得財爲從者用藥迷人被迷之人當時知覺未經

受累者閩省不法棍徒引誘偷渡之人包攬過臺中途謀害人未死同謀者應發極邊烟瘴罪人事發在逃被獲時有拒捕者開窖誘取婦人子女勒賣爲從者永遠枷號人犯已逾十年原擬死罪應發遣充軍者大夥梟徒拒捕傷差案內之竈丁窩家及軍營脫逃兵丁在軍務未竣以前投首者軍營脫逃餘丁被獲者聚眾奪犯殺差案內隨同拒捕未經毆人成傷者川省匪徒在野攔搶四人至九

人未經傷人者臺灣無籍游民兇惡不法犯該徒罪以上情重者賊犯犯罪事發抗拒殺差案內爲從在場助勢者罪囚越獄脫逃三人以上原犯徒罪爲從及杖笞爲首並一二入原犯軍流爲從及徒罪爲首者幕友長隨書役等倚官妄爲累及本官罪應軍流以上與同罪者新疆兵丁跟役如有酗酒滋事互相調發者行竊軍犯在配復行竊者搶奪金刃傷人及折傷下手爲從者積匪猾賊及窩

畱者回民犯竊結夥三人以上執持繩鞭器械者開棺見屍二次爲從者引誘包攬偷渡過臺招集男婦至三十人以上者蠱役詐贓十兩以上者積慣訟棍罪應擬軍者軍流徒犯內強盜並有關倫理及兇徒擾害地方罪應發遣者俱不准聲請畱養